



UNIVERSITÄTS-
BIBLIOTHEK
PADERBORN

**Scientia Salvts, Sive Considerationes Piæ, Præcipuam
Spiritualis Vitæ Materiam complectens**

Laberhittel, Samuel

Ingolstadii, 1660

75. Fer. 6. Initia sint sine defectu ferrentia.

[urn:nbn:de:hbz:466:1-59837](https://nbn-resolving.org/urn:nbn:de:hbz:466:1-59837)

egone spei divinæ infallibili nixus, propter beatam resurrectionem, exemplo Christi quæcunque mala ventura non perpetiar? Petam afflictiones malum necessarium alacriter superare.

MEDITATIO LXXV.

Feria 6. Dom. Quinquag.

Initia sint sine defectu ferventia.

Videbo Dominum propiorem pugnae efficaci animosiores, transeundo prædium, villam, hortum, ipsum denique montem Oliveti superando. Petam lumen ad agnoscenda Domini mei ferventia initia, & gratiam ab iisdem incipiendi.

Conf. 1. Quomodo omnes quatuor Evangelistæ ingressum Domini ad locum certaminis describant: Mar: 14. est: *Et veniunt in prædium.* Matt 26. *In villam, quæ dicitur Gethsemani, vallem olei, vel torcular olei, vel pecuaria butyri, ut ajunt interpretes.* Joan. 18. *Vbi erat hortus, in quem introivit ipse, & Discipuli ejus.* D. Chrylost. ait properasse ad locum proditori cognitum, ut auferret insidiantibus laborem, & Discipulis ostenderet, se sponte ad mortem venire.

Conf. 2. Causam hujus fervoris: Quia nisi ferveant initia, male incipiunt, & in pejus degenerant: Qualem enim quis viam lutu-

F

lentam

lentam vel floridam iniverit, per talem decurret. Si pestis in semine sit, perversum erit germen. Testa figuli male initio cocta, fundamentum in arena, infans deformiter coctus, affecta erunt omnia. Parvus initio error in magnum excrescit eundo, qualis fons, tales fluvij. Quomodo perfectionem se consecuturum speret, qui ab ea non incepit? Reflectam me ad hortum, in quo fuit Adam, & hunc, in quem introivit JESVS, & quæram, cur ex simili loco tam dissimilis exitus? Adæ infamis, Christi victoriosus? solvet mihi dubium D. Bern. loquens de Adæ lapsu: Ser. de S. And. *Non habuit fortitudinem, quia non habuit fervorem. Petam fervorem, sine quo non habeo fortitudinem.*

Conf. 3. Duo media ad fervorem auctore Christo dari: Alterum, bona consuetudo in omnibus ferventer operandi: alterum frequentatio SS. Luc. 22. *ibat Dominus secundum consuetudinem in montem olivarum.* Matt. 26. *est: Oliveti, id est, vallis pinguium; quia spirituali pastus cibo conscendere debet montem virtutum, quibus ungatur & reficiatur.*

MEDITATIO LXXVI.

Sabbato Dom. Quinquag.

Septem dolores B. Virginis.

Videbo B. Virginem luctu plenam, septem dolores